

“ANIE OWO ADA YE JEHOVAH”

Exodus 24:12-18; 31:18; 32:1-35

QYQHỌ UKPEP-ÑKPỌ 67

Eke Ikpọ Owo

IKỌ IBUOT: “Kunyene abasi efen ukọrọ ye Ami” (Exodus 20:3).

I Ekot Moses Qdọk Ke Obot

1. Edọhọ Moses ete ke enye eyebo mme itiat-ñwed emi Abasi adade ubok Esie ewet, Exodus 24:12; 31:18.
2. Moses ada Joshua qdọk ke Obot Abasi, Exodus 24:13
3. Aaron ye Hur edidi mme ekpeme otu-erọn ke ini Moses mididuhe, Exodus 24:14; Utom Mme Apostle 20:28
4. Ubọn Jehovah oduñ ke enyọn obot usen itiokiet, Exodus 24:16, 17
5. Moses aka ke iso Abasi, Exodus 24:18

II Enam Moses Ebighi Ndifiak Nnyọn

6. Otu owo enana ime enyüñ eyom Aaron anam mme abasi ọnọ mmọ eke edibemde mmọ iso, Exodus 32:1
7. Aaron anam eyen enañ o-gold, Exodus 32:2-4
8. Mmọ ewa mme uwa, Exodus 32:5, 6

III Abasi Qdọhọ Moses Qsuhọre Ke Enyọn Obot

9. Otu owo emebiara, Exodus 32:7, 8, 17-25
10. Moses obom itiat-ñwed iba oro, Exodus 32:15, 16, 19; Deuteronomy 9:16, 17

IV Moses Ada Ke Inua-top

11. Moses ọnọ mmọ ikot ete “Anie owo ada ye Jehovah”, Exodus 32:26; 1 Ndidem 18:21
12. Nditọ Levi etiene enye enyüñ edọhọ mmọ enam idem esana, Exodus 32:26-29
13. Abasi oyom ndisobo otu owo nnyüñ nnam Moses edi ibuot ke idut, Exodus 32:10
14. Moses anam mkpe-ubok ke ibuot mmọ, Exodus 32:11-13, 31, 32; Ñwed Mbon Rome 9:3; Isaiah 53:12
15. “Owo eke eduede Mi, enye ke nsọhi ke ñwed Mi mfep”, Exodus 32:33; Ezekiel 18:4
16. Ñkpọ-eyen utom idiok-ñkpọ edi mkpa, Exodus 32:28, 34, 35; Ñwed Mbon Rome 6:23

SE EKPEPDE EBAÑA

Mbet Emi Ekewetde-Wet

Abasi ama ada ikot Esie usuñ ke nde ke nde ọwọrọ ke Egypt, ayarade owut nditọ Egypt kpa ye ikot Esie ete ke Imọ idi Odu-uwem ye Abasi akpanikọ. Enye akada mmọ osim ke Obot Sinai man oduk ke edisana ediomu ye mmọ. Mmọ ema ekut mme ubiere-ikpe Abasi ke idem nditọ Egypt; ndien ke ini Abasi ama ọkọsuhọre edi ke Obot Sinai ke idiok enyọn, obot onyüñ enyekde, uyo ukorowo onyüñ ọdiọnde ọsọn eti-eti, emireñ-mireñ onyüñ asiahade, mme owo efiak edem enyüñ edọhọ Moses ete, “Afo tiñ nọ nnyin, iyekop; edi yak Abasi okudọhọ ye nnyin, mbak nnyin idikpaña” (Exodus 20: 19). Abasi ọkọfuhọ didie ndikut nte ikot Esie efiakde edem (Mme Hebrew 10:38)! Edi mbom Esie okosuk akaka iso odu ye mmọ, ndien Enye ama okot Moses qdọk ke Obot man ọnọ enye mme mbet ye ewuhọ Esie.

Okposuk edi oro obot ekenyekde onyüñ asakde ikañ, Moses ama eyere ikot Abasi, onyüñ qdọk ke ufot obubit-enyọn ke ebiet eke Abasi okodude. “Ofuri ebiet ekenyene ndik eti-eti ndise, tutu Moses qdọhọ ete, Ñkop ndik, nnyüñ nnyek idem eti-eti”, (Mme Hebrew 12:21). Moses ama ọbuot idem ye Abasi onyüñ asaña ke uko anam uyo Abasi okposuk edi emi ndik okodude. Abasi ama onim Moses uwem, okposuk edi nte ndik okodude. Abasi ama ekpeme Moses okposuk edi nte enye mikadiaha udia inyüñ iñwọnke mmọn ke uwemeyo ye okoneyo aba (Deuteronomy 9:9). Ke Jesus ama eketre udia ke ukem idaha ini oro, Enye akañwana ye Satan ye mme ikọ emi, “Ema ewet ete, Idighe uyo ikpọn ke owo edida idu uwem, edi edida kpukpru ikọ eke ewọrọde Abasi ke inua odu,” (Matthew 4:4). Moses okodu ke obot ndibọ Ikọ Abasi; kpa nte Job, enye akada oro ete ke ọfọn akan “uduak” imọ.

Abasi ama ọnọ Moses Mbet emi eketiñde ke uyo, nditọ Israel enyüñ eñwọnọ ndinam enye; edi Abasi afiak okot Moses qdọk ke obot man Enye ọkpọnọ mmọ Ikọ emi ekewetde-wet. Nnyin imekeme ndikut ifiok Abasi ke ndiyom mmọ enyene Ikọ emi ekewetde-wet. Mmọ ekpekesọsọp ebiat Ikọ emi eketiñde-tiñ edi idighe ntre ye Ikọ emi ewetde-wet. Abasi kpukpru ini esifube ufup ke Ikọ Esie. Psalm 138:2 etiñ ete, “Afo omokpono ikọ fo akan ofuri enyiñ Fo.”

Mbet Emi Ekebiatde

Imekeme nditiñ usọp-usọp ntak emi akanamde Moses ayat esit ke enye okokutde Israel esọpde efiak edem eketiene ukpono-ndem. Paul ke eyo esie, odu ke mkpa-idem ke emi mbon Galatia esọpde ekpọn mfọn Christ ekabare ebine isio eti-mbuk (Ñwed Mbon Galatia 1:6). Israel ema ebiat ediomu mmọ ye Abasi. Ke ini ediomu

abiarade oto ke ubok owo kiet, owo enye eken iduhe aba ke idak ibet ndika iso nnam se ikanade ino enye ndinam ke nkan esie. Moses ama obom mme itiat-nwed oro, emi okowutde ete ke Abasi ikenyeneke ndinam aba se ikanade ino Enye ke Ediommi oro. Akananam Abasi itreke ndinam Iko Esie, edi ke ini mme owo etrede ndinam ediommi mmq, editre mmq oro akpan Abasi ndinam udeme Esie.

Mme Ekpemeron

Enya eno Aaron ye Hur idaha utom emi ekedide mme ekpemeron. Ke itie emi enye ekpedide eti ekpemeron, Aaron akakabare ada nte owo mbre ukara koro enye okodohode ete ke mme owo ekeyom mme abasi ndibem mmq iso. Aaron, nte owo emi ekpedekpe utom "mme eron minyuni inyeneke enye" ama ayak mme owo ono usuñ idem mmq. Moses ikonyimeke ino mmq; ndien, nte eti Ekpemeron, ana ebeñe idem ndiyak uwem esie nno ke ntak mbio owo. Edieke nnyin minamke akpaniko ino Abasi ke nkpri nkpo, didie ke Enye ediyak ata inyene Esie esin nnyin ke ubok?

Ikot Emi Moses Okonode Israel

Uko oro Moses ekenyenede ndida ke inua-otop nna nnyuni nno ofuri Israel ikot edi uduot emi odude ke eti anditiñ ntiñ-nnim iko emi oyohode ye Spirit Abasi. Ikot oro eketiene mbio nson-ibuot, oro edi mme owo emi ema ekeket mme utibe-nkpo ke enyin mmq emi ekpekenyuni enyimedede ndibuot idem mmq ye Jehovah. Moses akada ikpon onyuni ofiori ete, "Anie owo ada ye Jehovah? Yak etiene mi" (Exodus 32:26).

Ekpri ubon Levi ema eworo eda. Akakpa mmq ndinyene uko mbemiso mmq ekeme ndiworo ke otu owo oro nda ndinyuni nsaña nworo nka ke inua-otop nna ntiene Moses ke ebiet eke enye akadade. Nko, onyuni ada anam-idiok uko ndisaña nworo ke akwa otu owo ke ufok-Abasi nkoton edon ke nkpo-itie eseme nnyuni mbon akam. Anditiene-Christ, nko, edi owo uko. Enye ada ke se inende okposuk edi esakde enyuni emiomde enye. Enye ebeñe idem ndida ke Iko Abasi okposuk edi ete me eka esie okpobiomde enye ikpe me akpadade mme usuñ esie ke nkpo mbuburu. Jesus ama odoho ete, "Owo eke amade ete me eka akan Mi idotke ye Ami." (Matthew 10:37). Ekedide se ikayatde eyen eka, ufan, ye mbon-iduñ mmq esit ke adanemi ndito Levi ekewonode eda. Edikpa se owo amade akan ndinam enye edi anditiene-Christ. Utip okpon ono mmq eke enyenede uko ke idaha mmq ye Abasi.

Ke ini ubon Levi ekeworo eda ke nkan Jehovah, edu-uwem Moses akawara didie okpuhoro okpon eke ikot, akabare edi eke iko nson-idem. Enye ama ono mmq item ete esana idem mmq ayak eno Abasi man Enye odion mmq. Ndusuk ini ekot nnyin ndisana idem nnyin nyak man ikeme ndinam mkposon utom; edi ke ibode ikot, Abasi onono ukeme ndinam utom eke odude, onyuni ada edidion etiene enye.

Moses, Esine-Ufot

Ke enye adade ke iso mme owo, Moses owut mme ido eti owo-ekon ye ada-usuni, edi ke enye edide ke iso Abasi enye osuhoro idem esie onyuni oduo ofuk iso esie ofiori ete, "Mbok, mbok! mbio emi emenam ata idiok ido emenyuni enam abasi gold ke idem mmq", oro edi enye ayarade idiok-nkpo oro mmq ekenamde. Ndusuk owo edomo ndiyom mbon ke ini miyarakede mme idiok-nkpo mmq. Iko odoho ete owo eke ayararede, onyuni okponde eyekut mbon. Ikoduhe idiok-nkpo emi okokponde akan emi Israel ekenamde ke ndiwonode nkpon odu-uwem Abasi nkopono mme abasi ubok owo. Ata akpa ibet odoho ete, "Kunyene abasi efen ukoro ye Ami" (Exodus 20:3).

Israel ema enam idiok-nkpo edi Moses anam mkpe-ubok. "Afo akpakam efen idiok ido mmq, ndien munyimeke, mbok, sphi mi fep ke nwed fo emi Afo ewetde" (Exodus 32:32). Iboro Abasi edi se isanade ke unen: "Owo eke eduede mi, enye ke nsphi ke nwed Mi mfep" (Exodus 32:33). Mikpotoho ke odudu emi Moses ekenyenede ke ndisono nyire ye Abasi, ekpekesobo ndito Israel efep. Ke ini efen Moses ama odoho ndito Israel ete, "Jehovah Abasi fo eyenam Anditiñ ntiñ-nnim iko eke edibietde mi, adaha ada ke otu fo ono fi: (Deuteronomy 18:15). Nnyin imenyene Anditiñ ntiñ-nnim iko oro nte Ekpe-emem nnyin ye Ete mfin, kpa Jesus Christ, emi edide edinen.

MME MBUME

1. Anie ekwet mme itiat nwed oro!
2. Moses ekebigi adana didie ke obot?
3. Anie okodu ndikpeme Israel ke ini Moses okokponde mmq?
4. Didie ke ubon Abasi akayarade ono Israel?
5. Yom ufan-iko Abasi emi etinde owut edinam Abasi ke abana Aaron ke ini emi.
6. Nso ikedi mme usuñ ition eke Israel ekesabarede idem mmq?
7. Nso ke Abasi okoyom ndinam ye Israel?
8. Nso ikedi mme ibuot iko eke Moses akadade ekpe Abasi ubok ono Israel?
9. Nte Aaron ama onyime ete ke imo ikedi ntak ke se ikotibede oro?
10. Anie ekeyere ikot Moses, "Anie owo ada ye Jehovah?"
11. Nso ke ekedoho mmq enam?
12. Nso ukpep-nkpo ke nkan Spirit ke ekeme ndinyene nto mme edinam mmq oro?